

欽定大清會典事例

欽定大清會典事例卷四百十一

禮部

軍禮

親征

親征凱旋

親征○凡

親征之禮。屆日。鑾儀衛陳

騎駕鹵簿於

午門外。樂部陳鏡歌大樂於

騎駕鹵簿前。兵部陳蒙古畫角十有六。海螺二百
於

堂子內門外。內大臣侍衛守之。八旗護軍。轟公火器營

燾公於黃龍大燾後各以本旗參領一員守之
均北嚮武備院設

皇帝拜位於

圓殿外甬道正中及大燾前從征王公大臣咸征衣佩

刀不從征王公滿洲一品官蟒袍補服至街門
內東面祇俟屆時禮部堂官詣

乾清門請

駕

皇帝御征衣佩刀出宮乘騎武備院卿騎導領侍衛
內大臣咸征衣佩弓矢乘騎前後翊衛

午門鳴鐘。

騎駕鹵簿前導。樂陳而不作。至長安橋。軍士鳴角吹螺。

皇帝入

堂子街門。王公以下跪候過興。隨行。

皇帝降騎。螺角止。鑾儀衛移鹵簿起

堂子至

駕所出都門外。禮部堂官恭導

皇帝入內門。就

圓殿外拜位。南嚮立。前引大臣立門外。後扈大臣入侍。

鴻臚寺官引王公於丹陛上衆官於丹陛下序立。鳴贊奏跪拜興。

皇帝行三跪九拜禮。王公以下皆隨行禮畢。螺角齊鳴。禮部堂官恭導。

皇帝出內門。詣大轟前行三跪九拜禮。不贊。王公以下皆隨行禮畢。螺角止。禮部堂官奏禮成。

皇帝乘騎導迎樂作。奏祐平之章。領侍衛內大臣侍衛班領率親軍護軍舉黃龍大轟扈

蹕隨行。八旗官軍分翼陳列郭外。

駕由都門出。三舉礮。官軍皆馬上俯伏候。

駕過。整隊隨行。不從征之王公百官。咸蟒袍補服於郊外跪送。○大軍克捷。

皇帝率

皇子諸王大臣出

行營南門外。設香案。謝

天。行三跪九拜禮畢。入

行營。大學士等進賀捷表文。

皇子在黃幔城內。內外王公文武各官在黃幔城外。均三跪九叩行慶賀禮。其外藩王公等恭迎聖駕。俱於

行宮前三跪九叩行慶賀禮。○崇德元年。

太宗文皇帝親統大軍往征朝鮮。先期告

天告

廟。

頒行軍律令。

諭朝鮮官民人等。在城在野。傾心歸服者。即同內地臣民。欽此。乃分兵為左右翼。右翼兵由

東京大路至渾河排列。左翼兵由撫順大路排列。

聖駕出撫近門。設鹵簿吹螺奏樂恭謁

堂子。行三跪九拜禮。復於

堂子外。建立八轟。吹螺奏樂。行三跪九拜禮畢。遂啟行。

大軍直抵南漢城西駐營。○康熙三十五年。

聖祖仁皇帝以額魯特噶爾丹悖天虐衆。侵掠喀爾喀諸部落。宜乘時翦滅。輯安疆圉。遣發大兵。分道並進。

躬統六師。由中道聲罪致討。欽天監擇於二月十三日啟行。前期三日。分遣官祇告。

天

地

宗廟

社稷

太歲。

頒行軍律令。

命皇太子監國。至日。遣官致祭。

道路

火礮之神。鑒儀衛陳鹵簿。自

午門設至

堂子。不從征王貝勒貝子公等於

午門前咸集。候

聖駕出。跪接隨行。從征王貝勒貝子公等於外金水橋

咸集。恭候隨往行禮。八旗鳴蒙古畫角軍士。每旗四名。八旗吹海螺護軍。每旗二十五名。排列於

堂子街門外。八旗護軍火器營護軍參領各八人。咸蟒袍補服持纛排列於

堂子內門之外。至吉時。

聖祖仁皇帝出宮。

午門鳴鐘。不作樂。至玉河橋。鳴角吹螺。進

堂子街門。螺角止。禮部堂官恭導就位。行三跪九拜禮。諸王大臣侍衛等依次序立。隨行禮。禮畢。螺角

齊鳴。禮部堂官恭導至內門外。致禮於旗幟之神畢。螺角止。鹵簿自

堂子設至郭外。

聖駕出。照常作樂。由安定門街出德勝門。八旗軍分翼陳列。先列烏槍護軍。次烏槍兵。出征

皇子王等旗幟護衛俱戎服。各於本旗護軍之中排列。其末旗烏槍護軍之下。列滿洲礮兵。次漢軍礮兵。次漢軍火器營兵。

聖駕出郭。三舉礮。

聖祖仁皇帝至陳兵處。官兵皆於馬上俯伏。候

駕過方起。其不隨征王以下有頂戴文武官以上。咸蟒袍補服。過大軍排列之前。分翼跪送。並令八旗官兵肅清道路。嚴禁僕從馬匹喧雜之聲。候

聖駕過。官兵各整隊伍相隨進發。至駐營處。前鋒軍過。御營前駐紮為二營。八旗護軍營及驍騎營列為十六營。火器營兵隨礮兵礮手棉甲兵列為四營。部院堂司官員筆帖式等列為一營。察哈爾兵列為二營。宣化府古北口綠旗兵各為一營。

御營網城內建刁斗。設巡警二十一處。每處以旗員一人。內府護軍及執事人十名守衛。網城三門。每

門以護軍及執事人十名守衛。外營安設巡警八處。每處以旗員一人。侍衛鑾儀衛官執事人共十名守衛。外營四門。共以護軍執事人四十名守衛。馬匹牧廠。於鑲黃等三旗。每旗以旗員一人。侍衛鑾儀衛官執事人共三十名守之。大軍分兩路出口。並分翼牧馬。前路牧馬路左。必留路右。以待後路之牧。所過城池邨舍。嚴禁馳騁騷擾。輜重出口。皆按序結隊而行。至居庸關及獨石口。並遣官祭

山川之神。師次青城。雨雪交作。至駐營處。

聖祖仁皇帝御雨具。佇立曠野。俟軍士結營畢。始入行營。各營舉炊。然後

進膳。復

賜網城內帳房食物柴炭。以給輓車後至者。

駐蹕噶爾圖。遇雨雪。遣大學士致祭。

風雨山川之神。風止雨霽。自出卡座後。無水之地。甘泉湧出。不毛之土。豐草茂生。因復遣大學士祭告。

風雨暨域外

山河川澤之神。凡軍中斥堠哨望。

聖駕親行巡察。申定軍伍。常

御旌門。令諸將士乘騎徐進。以次簡閱。至西巴臺。遣使

齋

敕往諭噶爾丹。大軍進至庫庫車爾。前遣去使臣還奏。
得噶爾丹所在實音。

躬率前鋒兵進發。次八旗鹿角兵。次綠旗兵。居鹿角之
中。次左右翼八旗漢軍火礮鳥槍兵。次八旗滿
洲兵。馬上馱載礮。其鹿角後頭隊兵。前列各旗
鳥槍護軍。次列護軍。次列鳥槍兵。二隊兵亦照
前隊排列。兩翼援兵。每旗子母礮。令滿洲鳥槍

兵兼管。此後三旗內大臣侍衛等率黃龍大纛行。

皇子諸王等各在纛前行。內務府官執事人等部院官及蒙古兵皆按列行。噶爾丹知

聖駕親臨。登北孟納爾山望見

六師驚遁。

聖駕至克魯倫河時。已竄去數日。盡棄鎧甲器械廬帳老弱於途。

命大學士祭

河神。復率前軍追至陀諾。分兵平北大將軍馬思

哈追躡。

聖駕回鑾。○是年九月。噶爾丹敗遁後。收集散亡。復圖侵掠。大將軍報至。

聖祖仁皇帝親巡行北邊。經理機務。

諭。朕出塞試鷹。當減從而往。諸色人等不得告請從行。其部院官照秋圍例從少點出。欽此。欽天監擇定軍行日期。左翼於十七日起程。右翼於十八日起程。至十九日。

聖祖仁皇帝駕發京城。十月至白塔。向歸化城設鹵簿。該副都統等率旗兵來迎。老少男婦皆執香擁。

集路旁跪接。其城中大喇嘛等率其屬排列旛
幢作樂迎拜。

聖駕於南關駐營。四方來朝之蒙古王與福晉等及兵
民喇嘛各進獻駝馬牛羊食物。自歸化城

駐蹕赫圖爾根之南。前西路戰勝之右衛官兵皆至。

聖祖仁皇帝親臨賜食。引官兵皆令近前坐。徧
賜之。雖僕從無遺。次日復

賜官兵衣銀食物馬匹。遣諸

皇子至右衛軍營。重

賜茶酒。又徹

御膳分賜官兵。十一月至呼坦和碩渡河。

幸鄂爾多斯地。是時河水未凍。獨於渡處數里結為堅冰。車馬坦行。駐營時。該王貝勒貝子公及其福晉等。悉來朝覲。貢獻駝馬諸物。自是

聖駕由河岸而行。額魯特人來降者絡繹不絕。噶爾丹知部曲潰散。遣使納奏。復

頒勅諭。遣使齎往招撫。乃自東斯垓統軍

回鑾。○三十六年。

聖祖仁皇帝三舉北征。仍分兩路出師。

聖駕巡晉及秦。就近調遣。二月初六日啟行。陳設鹵簿。

由

神武門出德勝門。經過地方。凡遇

帝王陵寢。先賢墳墓。名山大川。皆遣官致祭。

駐蹕保德州。遣官祭

黃河之神。

聖駕至橫城。復遣大學士祭

黃河之神。遣

皇子祭。故將軍之有功疆圉者。其前次甯夏陣亡

官兵。照例遣官奠醊。口外王貝勒台吉等。先傳

諭旨止其請安進貢。各地方大員止許單身至黃河兩

岸迎接。其餘兵丁止於近城地方排列迎接。免其披執。時哈密已擒逆子。俘送軍前。青海八台吉懇請來朝。額魯特之部長宰桑等皆納款求降。

聖駕自黃河舟行至呼坦和碩。統師回鑾。

親征凱旋。○凡凱旋日。鑾儀衛設法駕鹵簿。自郊外五里至

堂子門外。

駕至郊。在京王公百官蟒袍補服跪迎於道右。候過

隨行。

駕入都門。導迎鼓吹樂皆作。至

堂子內門。禮部堂官恭導。

皇帝降輿致祭。

堂子。率從征不從征之王公一品大臣於

圓殿前。行三跪九拜禮畢。鑾儀衛移設鹵簿。起

堂子至。

午門外。

皇帝回鑾。百官於

午門外按翼跪迎。王公於內金水橋候。

駕還宮。各退。翼日。遣官祇告。

天

地

宗廟

社稷

陵寢。行飲至禮。凡從征將士皆與燕。

策勳行賞各有差。擇吉。禮部奏請。

皇帝御太和殿。受羣臣表賀。如大朝儀。

頒詔布告天下。直省文武官咸奉表賀。遣官祭隨營。

旗纛

火礮之神於都門外教場。分遣各官致祭。
嶽鎮海瀆。

前代帝王陵寢。

先師闕里。復告成太學。勒石紀功。以平定方略。宣付
史館。○崇德二年。

太宗文皇帝率從征王。貝勒大臣等班師。朝鮮國王率
羣臣出王城十里外跪送。

太宗文皇帝下馬升座。該王率羣臣行三跪九叩禮。

賜該王侍坐於

御座之側。

賜茶。該王起謝畢。遣大臣二人送還國。

諭親王等各宜嚴束士卒。毋得殺降擾民。

太宗文皇帝乃於軍中率諸王貝勒羣臣。以班師行祭旗彝禮。沿途各地方官率衆遠迎。跪候。

聖駕過。隨大軍後。至駐營處。

賜各官遙坐。遣大臣

賜酒。次日

駕發時。地方官員進獻牛米等物。率軍民道旁跪送。

盛京鄭親王等於齋奏賀表後。豫至

盛京城二十里外。除道設黃幄。在

盛京王月勒文武羣臣及土默特郭爾多斯蒙古
呼爾哈部長等皆前期祇候

聖駕將臨。離營五里許。恭迎道左。以次序立。跪候
駕過隨行。

太宗文皇帝入黃幄升座。王等率衆排班。贊禮官贊王
等奉表跪進。國史院大學士接表跪宣畢。王等
率衆行三跪九叩禮。乃大燕。燕畢起行。至

盛京日。恭謁

堂子行禮。由懷遠門入。

駕還清寧宮。○康熙三十五年五月十三日。

聖祖仁皇帝自克魯倫河統軍

回鑒。內外諸王大臣文武各官。於

行宮東門跪奏。額魯特震驚

天威。望風逃竄。大功已成。請行慶賀禮。奉

旨。朕豫料噶爾丹必遁。已密諭西路大兵截其歸路。信
息不久即至。姑俟之。欽此。十八日。

聖駕駐蹕。拏諾。撫遠大將軍費揚古奏報。祇遵
廟算。大破賊於昭莫多之地。捷音至。

聖祖仁皇帝出行營南門外。設香案。率

皇子諸王。及蒙古王台吉等謝

天行三跪九拜禮入

行營大學士等進賀捷表文。

皇子在黃幔城內。內外王公文武各官在黃幔城外。三跪九叩行慶賀禮。二十一日。至錫喇布里圖前留駐。邊卡游牧之蒙古王等恭迎。

聖駕在

行宮前三跪九叩行慶賀禮。喀爾喀札薩克等及衆台吉之妻並攜所屬男婦咸集。

行營東門。跪奏噶爾丹恃其强悍。虔劉我輩已極。

今

皇帝從天而降。滅此兇寇。救我喀爾喀通國之患。恭謝
皇帝再造之恩。懇請仰瞻

天顏。奏入。

命以次引入黃幔城進見。衆皆叩首。齊呼萬歲。

賜茶出。復遣官

賜燕。並賚銀幣衣服有差。自後每日王貝勒台吉等來
迎。行慶賀禮。於

行宮外燕賚皆同。其有名喇嘛及王貝勒福晉等
攜衆來迎。貢獻駝馬牛羊無算。

聖駕行時。羅拜道旁。絡繹不絕。附近衆札薩克及牧廠

蒙古率妻子迎獻酒漿酥酪者。沿途環擁。

命以所獻分頒

皇子諸王大臣侍衛。凡執事以及僕從。均得霑被。
六月初二日。在京

皇太子諸王大臣等奉表稱賀。初五日。

聖駕至獨石口。城中居民及二三百里居民。列香案懽
呼叩首。是日。在京

皇太子諸王大臣來迎。初七日。

駐蹕懷來縣。時地方稍旱。

駕甫至。即沛甘霖。百姓踴躍跪叩。初九日。

駕發清河。設鹵簿。在京。

皇太子率諸

皇子王公文武羣臣咸蟒袍補服。於郭外五里道旁跪迎。八旗護軍驍騎步軍各營兵近京鄉紳士民工商耆老男婦焚香懸綵。扶攜跪迎。

命前驅毋警蹕。環集者數百萬人。懽聲雷動。聖駕自德勝門入。

大駕鹵簿。自土城關設至

堂子。導

旨停排旗纛。畫角作樂前導。禮部堂官恭導詣

堂子。就拜位。行三跪九拜禮。諸王大臣皆隨行禮。禮成。

大駕鹵簿。自

堂子設至

午門還宮。○是年冬。

聖祖仁皇帝北巡。自歸化城西渡呼坦和碩。

駐蹕東斯垓。額魯特人絡繹來降。噶爾丹遣使納奏。乃

頒敕招撫。班師

回鑾。十二月二十日。

聖駕由德勝門進

神武門還宮。○三十六年。

聖祖仁皇帝復臨邊方。西踰甯夏。

駐蹕狼居胥山。指授諸將方畧。截窮寇遁走之路。噶爾丹自料立就誅戮。仰藥自殺。餘黨引衆歸降。朔漠蕩平。

聖祖仁皇帝以六師大捷於

行營外。設香案。率

皇子諸王文武羣臣謝

天。行三跪九拜禮畢。

駕回行營。羣臣在外行慶賀禮。班師由邊外凱旋。外藩

蒙古王貝勒貝子公台吉等及福晉夫人等。率

衆進獻迎賀者。所至無虛日。

聖駕至懷來縣。在京

皇子諸王。文武羣臣來迎。

聖駕至清河。大設鹵簿。

皇太子率諸

皇子王公。在京文武羣臣。咸蟒袍補服。出郭外跪迎道旁。八旗護軍。驍騎步軍各營兵。及京城附近紳士農賈耆老。設香案沿門結綵。各執香跪迎。

聖駕由德勝門入。詣

堂子行禮畢。由

午門還宮。遣官祇祭

天

地

宗廟

社稷

永陵

福陵

昭陵

孝莊文皇后暫安奉殿

孝陵其

太歲

旗纛

燬神

獄鎮海瀆

帝王陵寢

先師闕里均遣官致祭欽天監諏吉日。

御殿受賀。

皇太子率王公文武百官進表慶賀直省文武官

員咸恭進慶賀表文是日。

頒詔天下。復

允羣臣所請。宣付史館。編年輯平定朔漠方略。

御筆勒銘。磨崖刻石於察罕七羅陀諾。昭莫多及狼居

胥山。並建碑太學。垂文紀勲。昭示萬世。

欽定大清會典事例卷四百十二

禮部

軍禮

命將出征

命將出征。凡

命將之禮。

皇帝御殿頒敕印。是日早。鑾儀衛陳鹵簿。樂部陳樂懸。工部鴻臚寺官設

敕印案於

太和殿內東楹之南。內閣學士二員奉

敕印入陳於案。王公百官咸蟒袍補服。按班序立。如

常朝儀。大將軍暨從征各官。蟒袍補服。俟於丹墀之東。西面。禮部堂官詣

乾清門請

駕。

午門鳴鐘鼓。

皇帝龍袍袞服乘輿出宮。至

太和殿北階降輿入。中和韶樂作。奏隆平之章。

皇帝升座。樂止。階下三鳴鞭。丹陛樂作。奏慶平之章。

鴻臚寺官引大將軍升自東階。立丹陛之東。北面。接

敕印官二員

以從征內閣官為之

從升立於左西面從征各官

按左右翼就丹墀東西拜位贊進少進贊跪皆跪樂暫止贊受

敕大學士一人入

殿左門就東案奉

敕授大將軍大將軍祇受轉授接

敕官跪奉以興退俟於左贊授印大學士一人奉印

授大將軍如受

敕儀樂作贊叩興大將軍暨從征各官行三跪九叩禮樂止奉

敕印官降自東階出

太和門中門大將軍從出從征各官皆出鳴鞭如初

皇帝起座中和韶樂作奏顯平之章還宮樂止王公百官退若

皇帝不御殿不陳設鹵簿樂懸百官無執事者不會集大將軍行禮不贊餘儀並同前

謹案乾隆十三年

命大學士傅恆為經略征金川十一月二十七日軍機處奏准此係上瑞日○啟行之日鑾儀衛期非尋常可比應行作樂

陳

法駕鹵簿於

午門外。大將軍暨從征副都統以上服征衣。王貝勒貝子公滿洲一品大臣蟒袍補服。至

堂子街門內。東面祇俟。兵部建八旗大纛各一於

堂子內門外之南。軍士執螺角於街門外列俟。屆時。禮

部堂官詣

乾清門請

駕。

皇帝龍袍袞服乘輿出宮。

午門鳴鐘。鹵簿前導。樂陳而不作。百官咸蟒袍補

服跪送如常儀至

堂子紅樁軍士鳴角吹螺

皇帝入

堂子街門。大將軍暨從征大臣王公以下跪候過興隨行。

皇帝至鋪板薦處降輿。螺角止。禮部堂官恭導

皇帝至中門。詣拜褥處立。鳴贊官奏跪拜興。行三跪九拜禮。大將軍從征大臣王貝勒貝子公等俱隨行禮。次吹螺。禮部堂官恭導

皇帝出內門。引至旗纛前設拜褥處。不贊。

皇帝行三跪九拜禮。出征大將軍及從征大臣俱隨行禮畢。禮部堂官恭導。

皇帝至降輿處。乘輿至紅椿處。吹螺止導。迎樂作。奏祐平之章。

皇帝乘輿至長安門外。是時工部張黃幄。武備院設御座。光祿寺備

賜酒。王公大臣先至。

長安門分翼序立。

駕過跪迎。大將軍率從征各官先至幄外祇俟。

皇帝至幄前降輿。大將軍等跪迎。入幄。

升座。召大將軍入。

親賜卮酒。大將軍跪飲畢。退。率從征各官謝

恩。行三跪九叩禮畢。皆佩弓矢辭

駕。

皇帝命乘馬。乃乘馬起行。

皇帝乘輿至。

午門。百官跪迎。

皇帝還宮。皆退。乃遣官祖饒大將軍於都門外。掾張
幕於門外道左。望

闕設屏案。內務府設燕席。光祿寺備茶酒。鴻臚寺

官二員。蟒袍補服。俟於案左右。承

旨。餞送之王公大臣侍衛。蟒袍補服。俟於幕外。大軍
按翼肅隊。夾道東西分列。大將軍至。下馬。從征
各官皆下馬。王公大臣侍衛迎入。鴻臚寺官引
就拜位。聽贊。行三跪九叩禮畢。就燕席。禮兵二
部堂官奉茶。燕畢。望

闕謝

恩行禮如初。王公大臣侍衛至幕外。視大將軍啟行。
各退。○若於軍中

命為大將軍者。遣使齎送

敕印。是日正副使服征衣於丹墀東鹵簿之南。西面立。王公百官咸蟒袍補服。按班序立。禮部堂官奏請。

皇帝御殿。樂作。

升座。樂止。階下三鳴鞭。鴻臚寺官引正副使至拜位北面。贊跪叩興。正副使行三跪九叩禮。至丹陛上跪。大學士二人。一奉。

敕授正使。一奉印授副使。以次祇受。興。由東階降。鳴鞭如初。樂作。

皇帝還宮。樂止。正副使出。王公百官退。○正副使將

至軍中。大將軍率屬郊迎。豫築壇於演武場。壇上正中設

敕印案。前設香案。均南嚮。執事官暨將弁咸集。祇俟屆時。正副使蟒袍補服登壇陳

敕印於案。退東面立。大將軍蟒袍補服詣香案前。執事官贊跪。大將軍跪。執事官東面宣

敕畢。正使奉

敕。副使奉印。以次授大將軍。大將軍祇受。授執事官。執事官跪接興。復於案。贊叩興。大將軍行三跪九叩禮。正副使退。大將軍奉

敕印莅事。正副使還

朝復

命。○崇德元年。

太宗文皇帝命多羅武英郡王阿濟格貝勒貝子等率諸大臣官兵出師征明。

親臨送出撫近門。設鹵簿詣

堂子行禮。又於

堂子外列護軍八纛。行三跪九拜禮畢。送至演武場。

誠諭遣行。○又

命和碩睿親王多爾袞和碩豫親王多鐸貝勒貝子公

大臣等率大軍征明。分兩翼前後啟行。

太宗文皇帝率出師王貝勒貝子大臣出撫近門。謁堂子。吹螺鳴角。行三跪九拜禮。外列八纛。復吹螺行禮畢。

親送出師。諸王等至演武場。

升座。召諸王貝勒貝子大臣等近前。

誠諭。諸王等率兵聲礮三。啟行。

聖駕入地載門還宮。○順治元年。

世祖章皇帝命攝政和碩睿親王多爾袞同和碩豫親王多鐸。貝勒羅洛索。貝子尼堪。博洛。公滿達海。

屯齊博和託洛託八旗都統副都統暨恭順王
孔有德懷順王耿仲明智順王尚可喜續順公
沈志祥朝鮮世子李汪洋率滿洲蒙古綠旗兵略
定中原詣

堂子奏樂行禮。又陳列八壽。行禮畢。大軍聲礮啟行。

又

命和碩英親王阿濟格為靖遠大將軍。征流寇。

賜敕印。是日設

大駕鹵簿於

午門外。設

御座。張黃幄於

皇極門

和門。太丹陛上。以所頒

敕印陳設檐下東旁黃案上。王以下文武各官咸盛服會集。候

聖駕出。衆皆跪。

世祖章皇帝御門升座。諸王各官立丹墀。贊鳴鞭。階下三鳴鞭。鳴贊官贊排班進跪。大將軍率出征官員皆進詣拜位跪。內院大臣奉滿洲蒙古漢字三體

敕書。次第宣畢。奉

敕印授大將軍。鳴贊官贊叩興。王及出征各官行三跪
九叩禮畢。贊退。王及各官皆退。即起程前行。鳴
鞭。

世祖章皇帝還宮。衆皆跪候。

聖駕過。皆退。○五年。

命都統博洛為征南大將軍。統兵征討江西。

賜敕印。儀與元年同。○又

命固山貝子屯齊為平西大將軍。討陝西叛回。

賜敕印。儀與元年同。○十三年定。凡

命大將軍出征禮。諸王貝勒貝子公大臣。於出師前

一日。將例賞衣服馬匹弓刀等物於

午門前頒給。領賞畢。出征護軍校驍騎校等官以

上詣

御前。諭以行師方略。

賜燕。及出師日。出征各官咸戎服候於

午門外。是日鹵簿全設。不出征諸王貝勒貝子公

咸朝服集

太和殿丹陛上。文武各官咸朝服集

太和殿丹墀內。分班序立。頒給大將軍

敕印。設於

太和殿內東旁黃案上候

聖駕御殿。大將軍近前跪領

敕印畢。率出征官弁。聽鳴贊官贊行三跪九叩禮。禮成。

賜茶遣行。○康熙十三年正月。

命多羅順承郡王勒爾錦為甯南靖寇大將軍。帥師之湖廣。都統赫業為安西將軍。帥師之四川。是日大駕鹵簿。照常陳設。出征王及各官咸戎服會集午門外。王以下文武各官咸蟒袍補服。於常朝處分翼祇候。內閣大臣設所頒

敕印於

太和殿內東旁黃案上。鴻臚寺官引王貝勒貝子公等至。

太和殿丹陛上。文武各官在丹墀內。分翼序立。次引出征王至丹陛上。各官至丹墀內。儀仗末序立。禮部堂官奏請。

御殿樂作。

升座。樂止。鑾儀衛官贊鳴鞭。鴻臚寺官贊出征王及各官跪。大學士奉

敕印授王。王跪受。轉授從征內閣官。鳴贊官贊行三跪。

九叩禮畢。鴻臚寺官引王貝勒貝子公等進太和殿內。都統以下營總以上。在丹陛上。參領等官在八旗班首。分翼序坐。

賜茶畢。

御中和殿。

大駕鹵簿嚮

堂子排設。出征王及諸王貝勒等。在金水橋。文武各官在

午門外常朝處。貝子公鎮國將軍都統尚書等官。及出征輔國將軍都統護軍統領副都統。在

長安左門外。均分翼序立。禮部堂官奏請恭詣

堂子行禮。王以下各官候

聖駕至。跪送。出征王及諸王貝勒都統尚書等官出征
副都統以上各官咸隨至

堂子。禮部堂官恭導就位行禮。王公大臣咸依次序立。
鳴贊官奏跪拜興。

聖祖仁皇帝行三跪九拜禮。王等均隨行禮興。次吹螺。
於兵部所設熏前行三跪九拜禮。不贊。

聖駕出。樂作。進長安左門。至

天安門外橋前。

大駕鹵簿。嚮內陳設。樂暫止。

聖駕出長安右門外送行。出征王以下副都統以上。咸佩弓矢上馬隨行。至

駐馬處。出征王疾馬趨過。王啟行。

聖駕還宮。樂作。

午門外會集各官跪迎。候

駕過。皆退出。征王及各官行至列兵處。禮部豫設祖帳。

光祿寺備茶。內大臣禮兵二部堂官奉茶。飲畢。鴻臚寺官導引望

闕謝。

恩禮成啟行。○是年六月。

命多羅貝勒尚善為安遠靖寇大將軍。帥師赴岳州。固
山貝子準達帥師赴荊州。又

命和碩康親王傑書為奉命大將軍。統兵赴浙江。多羅
貝勒董額為定西大將軍。統兵赴四川。啟行。不
詣

堂子行禮。不

親送。大將軍等出

午門。遣親王內大臣出

長安右門往送。餘儀皆與正月同。○十月。

命和碩簡親王喇布為揚威大將軍。帥師之江甯。和碩安親王岳樂為定遠平寇大將軍。帥師之廣東。聖祖仁皇帝御太和殿。賜以

敕印。詣

堂子行禮拜。肅還出。

長安右門送之行。○十四年。察哈爾布爾尼乘吳逆作亂。欲謀劫其父阿布奈。興兵造反。

命多羅信郡王鄂札為撫遠大將軍。大學士圖海為副將軍。往征。○二十九年。

命和碩裕親王福全為撫遠大將軍。復

命皇子允禔為副。征額魯特噶爾丹。

聖祖仁皇帝御太和門。大學士二人。一奉
敕一奉印授王。王跪受畢。

聖駕出東直門。視大將軍王等啟行。○三十五年。

命領侍衛內大臣安北將軍伯費揚古為撫遠大將軍。
統西路大兵出征額魯特噶爾丹。令先自歸化
城乘驛速赴

京師。至日。

賜燕賚。

聖祖仁皇帝御太和門。內大臣大學士等列坐兩旁。其

出兵運米大臣官員按旗分坐於金水橋北之左。綠旗提督總兵官等坐於金水橋北之右。護軍參領護軍校護軍等亦分左右按旗坐於橋南。效力官員烏槍兵火器營兵礮手等依次坐於

午門外作樂。陳百戲。

命大將軍進至

御座前。

親賜卮酒。大將軍跪受。退至階。叩首飲。都統大臣等均
以次進前。

親賜卮酒。副都統等亦進前。侍衛賜酒。自參領以下。護軍校以上。皆十人一班。進至階上跪飲。又命部院內務府大臣及侍衛等。徧視衆軍士飲。燕畢。賜與燕大臣等。

御用蟒幣有差。其官員及護軍等。

賜幣有差。營兵礮手等均

賜布畢。大將軍率衆官兵進前謝

恩。同叩首出。遣大學士授大將軍

敕印。令自京復赴歸化城。擇吉啟行。○五十七年。

聖祖仁皇帝令皇子允禩為撫遠大將軍。進勦策妄喇

布坦。大兵起程。前期設鹵簿。出征之大將軍以下咸戎服。其不出征之王公以下俱蟒袍補服以從。

聖祖仁皇帝親詣

堂予行禮。次鳴角拜壽。禮成還宮。是日大將軍率兵起程。

命內閣大臣頒給大將軍

敕印於

太和殿。其出征之王貝子公以下咸戎服會集太和殿前。其不出征之王貝勒貝子公並二品以

上大臣等咸蟒袍補服會集

午門外。大將軍上殿跪受

敕印。謝

恩行禮畢。隨

敕印出

午門。乘騎出

天安門。由德勝門前往。諸王貝勒貝子公等並二品以上大臣。送至列兵處。大將軍望

闕謝

恩畢。肅隊啟行。○雍正七年議准。

命將出師之前日。遣官行告。

廟禮。起行之日。遣官祇告。

奉先殿。其祝文均由翰林院撰擬。又定。

命將出師。授大將軍。

敕印。拜肅儀。是日。

大駕鹵簿全設。出征大將軍暨從征各官。咸戎服會集。

午門外。王以下文武各官。咸蟒袍補服。於常朝處分翼會集。內閣學士設頒給。

敕印於。

太和殿內東旁黃案上。鴻臚寺官引王公等至太和殿丹陛上。文武各官在丹墀內。按翼序立。次引出征大將軍副將軍參贊副都統總兵官至丹陛上。出征各官至丹墀內。儀仗末序立。辰時。禮部堂官奏請

御殿樂作。

升座。樂止。鑾儀衛官贊鳴鞭。階下三鳴鞭。鴻臚寺官引大將軍至殿檐下

御道之東。副將軍參贊副都統總兵官等於丹陛上。分左右翼序立。鴻臚寺官贊跪。大將軍及從

征各官皆跪。大學士奉所設黃案上。

敕印授大將軍。大將軍跪受。轉授隨印內閣官。內閣官接受興。鴻臚寺官引大將軍至丹陛左首班跪。鳴贊官贊行三跪九叩禮畢。大將軍隨奉敕印官由丹陛左階降。從征各官隨大將軍出。皇帝還宮。王公百官各以次出。

大駕鹵簿嚮

堂子陳設。兵部設海螺於

堂子街門外之東。設八旗護軍。肅八於內門南。文武各

官會集

午門外常朝處。大將軍副將軍及出征副都統以上。暨王公鎮國將軍大學士都統尚書等先至堂子門外。分翼序立。未時。禮部堂官奏詣

堂子行禮。文武各官於

午門外候

駕至。跪送。

駕至

堂子。吹螺。大將軍副將軍及諸王貝勒大學士都統尚書等官與出征副都統以上官跪候

駕過。隨行。申初刻。

駕入螺止。禮部堂官恭導就位行禮。鳴贊官奏跪拜興。

皇帝行三跪九拜禮。大將軍等皆隨行禮畢。吹螺於兵部所設纛前行三跪九拜禮。不贊。

駕出螺止。作樂。至長安坊街。

皇帝升黃幄。

命大將軍等上馬。大將軍等上馬啟行。

駕入長安左門。樂作。

午門外會集各官跪迎。

皇帝還宮。衆皆退。大將軍副將軍及從征各官行至

德勝門外列兵處禮部豫設祖帳光祿寺備茶
內務府備燕。

欽命王大臣與大將軍副將軍奉茶酒禮兵二部堂
官與參贊大臣奉茶酒侍衛與出征各官奉茶
酒畢鴻臚寺官導引望

闕謝

恩禮成啟行。○又定

命使齎送

敕印。大將軍於軍中恭受儀。先期內閣將應行開列
大臣恭請

欽命正使一人副使一人齋送

敕印。由欽天監擇吉遣往。是日。

大駕鹵簿全設。正副使咸征衣。王以下文武各官咸蟒袍補服。於常朝處分翼會集。內閣設頒給敕印於

太和殿內東旁黃案上。鴻臚寺官引王以下公以上至

太和殿丹陛上。文武各官在丹墀內序立。次引齋送

敕印官於丹墀鹵簿下序立。禮部堂官奏請

御殿樂作。

升座。樂止。鑾儀衛官贊鳴鞭。階下三鳴鞭。鴻臚寺官
引送。

敕印正使副使至拜位。贊行三跪九叩禮畢。引至丹
陛上北面跪。大學士二人一奉

敕授正使。一奉印授副使。次第恭受訖。興。恭奉
敕印由左階降。樂作。

聖駕還宮。

敕印將至軍中。擇期戒事。大將軍率弁兵咸戎服。先
至教場恭俟。豫設

敕印黃案於廳事南嚮。設香案一於黃案之南。正副使奉

敕印陳於案。大將軍跪宣

敕官宣

敕文畢。正使奉

敕授大將軍。大將軍恭受。轉授左旁官。宣印官宣印文畢。副使奉印授大將軍。大將軍恭受。轉授右旁官。左右官均跪接起立。大將軍行三跪九叩禮成。恭奉

敕印回營。○九年。

命撫遠大將軍馬爾賽出征。以內閣學士隨印。遣中書翰林院筆帖式等隨征。臨行。

世宗憲皇帝遣官祇告

奉先殿。又遣官祭森於德勝門。○乾隆十三年。

命大學士傅恆為經略。統領大兵征討金川。擇吉於十一月初三日出師。先期十月二十七日授經略敕印。是日。經略大學士及出征大臣官員咸蟒袍補服出師。之日仍征衣。隨

高宗純皇帝先詣

堂子。鳴角吹螺。行禮。次祭森畢。

駕至長安左門外。

御黃幄升座。

親賜經略卮酒。遂啟行。出阜成門至設祖帳處。

命大學士率侍衛等為經略及出征大臣官員奉茶飯畢。望

闕謝

恩。餘均與雍正七年儀同。十四年定

命將之儀三。一曰授

敕印。經略大將軍出師。

皇帝臨軒。王公文武百官朝服侍班。頒給

敕印於

太和殿。經略大將軍率隨征諸將於丹陛上跪受
敕印。行禮如儀。二日被社。經略大將軍出師。先期祇
告

奉先殿。啟行之日。

皇帝親率經略大將軍諸王貝勒及隨征諸將詣
堂子行禮。鳴角吹螺。祭纛於門。三曰祖道。經略大將軍
啟行。

乘輿親餞於長安門外。

賜卮酒。經略跪飲畢。俱褰鞬乘馬啟行。文武大臣承

詔送至郊外。有司具祖帳及燕。禮部兵部堂官奉經略大將軍茶。望。

闕謝

恩乃行。

以上各儀。經略與大將軍並設者。禮同。後仿此。

○又定祖征之儀二。

一曰整旅。經略大將軍前隊應列。

上賜軍械。次令箭十二次。

敕印護。

敕印官內閣學士一人隨行。經略大將軍騎後建大纛。參贊大臣及戶部司官一人。兵部司官一人。刑部司官一人。記室官四人。內閣中書二人。翰

林院筆帖式二人。及侍衛等均隨轟行。若蒙古地方。並用理藩院官一人。次標旗十二。大隊軍旅殿。一曰守土官相見。經略大將軍所過地方。守土官將軍督撫蟒袍補服出郭迎候。文官司道以下咸蟒袍補服。武官總兵以下咸披執。率弁兵列陣。跪道迎接。提督副都統近前問安。經略大將軍升官廳正坐。將軍督撫旁坐。文官司道以下。武官提督副都統以下。行庭參禮。至起行時。將軍督撫以下各官候送如前儀。○又定專聞之儀三。一曰封章拜詔。凡封奏。記室官恭

奉奏函。安設帳中所設案上。經略大將軍行三跪九叩禮畢。兵部官恭奉奏函。由中道出。授臺站官齎馳。若

詔書至營。經略大將軍出營恭候。兵部官接受黃篋。安設帳中所設案上。經略大將軍行三跪九叩禮。受篋啟閱。一曰升帳接屬。凡軍營設大幕。議事時。經略大將軍正坐。參贊大臣及一品官咸僉坐。有問則起立。參贊出入。經略大將軍起立。不迎送。提鎮等官稟事。由傳宣官轉達。令入則引進。令坐則向上僉坐。每月吉及逢五逢十常

參之期。參贊大臣等官入幕。按品列坐待茶。凡參贊大臣一品大臣入見。於營門內下馬。餘官於營門外下馬。一曰簡閱。凡簡閱營伍。經略大將軍啟行。守營各大臣及官兵離營里許候送頭隊齋。

敕印前行。十二標旗隨後。周巡各提鎮等官屯營處所。每至一營。官兵皆離營一里外。整隊列陣迎候。經略大將軍閱過。提鎮等率所屬官兵隨行。離本汛乃止。○三十四年。

命大學士忠勇公傅恆前往雲南經略軍務。擇吉於二

月二十一日出師。

高宗純皇帝不升殿。不詣

堂。子行禮。不祭。燹。不

親送。先期十八日。

命內閣大臣頒給經略大臣

敕印。是日。禮部工部鴻臚寺官設

敕印黃案各一於

太和殿內東旁。設綵亭二座於內閣門外。至時。經
略大臣隨征侍衛及執事大臣官員俱蟒袍補
服。俟於

太和殿丹陛東階下。內閣學士二員。由內閣奉

敕印分置綵亭內。鑾儀衛校尉昇亭。亭前張黃蓋一柄。列儀仗一對。內閣官前引。依次由中路入

太和門。至

太和殿階下。綵亭止。內閣學士奉

敕印。依次由中階入

太和殿內。分置各黃案上。大學士二人立於

殿外。欽天監官報吉時已屆。鴻臚寺官引經略大臣由東階升丹陛。至

殿檐下甬路東。北面立。隨印官二員從升。於經略

之東旁西面立。大學士二人入

殿左門。於黃案上奉

敕印。由中門出。經略大臣跪。以次祇受。轉授隨印官。隨印官跪接興。經略大臣興。鴻臚寺官引經略大臣至丹陛中路左旁。行三跪九叩禮。禮畢。奉

敕印官前行。經略大臣隨行。由中路至階下。隨印官安置。

敕印於綵亭內。鑾儀衛校尉昇亭。亭前張黃蓋一柄。列御仗一對。隨征侍衛前引。由

太和門

午門

端門

天安門

長安左門各中門出。隨征侍衛騎馬前引。隨印官及執事官俱騎馬隨綵亭後行。至經略大臣第大門外下馬。前引侍衛引綵亭至大廳檐下止。隨印官奉

敕印恭設大廳黃案上。屆期肅隊啟行。○咸豐三年。粵匪犯畿境。九月。

文宗顯皇帝以惠親王綿愉為奉命大將軍。

御前大臣科爾沁郡王僧格林沁為參贊大臣。先期
內閣學士奉大將軍印。參贊大臣關防陳於
乾清宮案。至日。大將軍參贊大臣暨從征各官咸
蟒袍補服俟於丹墀東。

文宗顯皇帝御龍袍衮服至

乾清宮升座。大將軍參贊大臣率從征各官自東
階升。大學士奉印奉關防授大將軍參贊大臣。
大將軍參贊大臣祇受。率從征各官行禮畢。

駕還宮。